

Tur loke bo kier sa encuanto cancer

ORANJESTAD--Ta existi mas cu shen diferente sorto di cancer cu por desaroya na diferente luga den nos curpa. Cada sorto ta un malesa riba su mes. E sintoma ta diferente, tratamiento ta diferencia y e chensnan di recuperacion por varia hopi. Un cos cu diferente tipo di cancer tin en comun ta e division incontrolabel.

KICO TA DIVISION DI CEL

Nos curpa ta consisti di diferente cel. Tin cel di higra, riñon, musculo, etc. Celnan nobo ta ser produci tanto pa nos crece como pa reemplasa esnan bieu of dañá. Cel nobo ta division di e celnan existente. Un cel existente ta parti den dos, e dos aki atrobe ta parti cada un den dos y asina e proceso ta sigui.

DIVISION INCONTROLABEL DI CEL


Ora di cancer tambe ta papia di division di cel, sin embargo e division di cel no ta pa reemplasa ni pa crecimiento. Aki ta trata di un division sin necesidad y for di control. E cel aki tin defecto y no ta funciona debidamente.

TUMOR MALIGNO

Ora celnan sigui dividi sin necesidad, for di control y cu defecto, nan ta forma un tumor maligno. E celnan aki ta crece y dividi nan mes sin limite y ta penetra den e tehido rond di dje. Asina nos ta haya p.e. cancer di tripa, cancer di riñon, cancer di cuero, etc. Aki hopi biaha e tumor ta causa daño na e organo y/of su funcionamiento, ademas e ta pone presion riba e tehido rond di dje.

CANCER DEN SANGER SISTEMA LIMFATICO

Cancer por cuminsa tambe



den algun cel di sanger cu ta ser produci den tuti di pia of den e sistema limfatico. Un ehempel di cancer den sanger ta leukemia. Un ehempel di cancer limfatico ta e malesa di Hodgekin. Cerca e malesanan aki e celnan canceroso ta stroba e funcionamiento di e celnan den sanger y/of den likido limfatico.

METASTASIS

Den os papia nos sa bisa cu e cancer a plama of a cana. E palabra medico ta metastasis. Esaki ta ora e celnan canceroso ta bay na un otro luga den e curpa. E celnan canceroso por los di un tumor y via di sanger of e likido limfatico den e tehido ta bay na otro organo. Aki nan ta sigui dividi y forma otro tumor. Un ehempel ta cu un pashent cu tumor na su tripa por desaroya despues di tempo un tumor na su higra.

Aki no ta trata di un tumor di celnan di higra mes. Pero di e celnan di e tripa cu a yega na e higra.

MALIGNO Y BENIGNO

Nos conoce tumor maligno y tumor benigno. Un ehempel di tumor benigno ta un bola di vet cu ta crece bou di cuero. E tumor aki tambe ta bin door di division di cel mas cu necesario. E diferencia entre un tumor maligno y uno benigno ta cu e celnan di e tumor benigno na cierto momento ta stop di dividi. Ora di un tumor benigno e celnan no ta penetra den e tehido rond di dje, manera ta e caso cu esun maligno. Tampoco e tumor benigno no ta plama bay otro caminda den e curpa. Tin ora ta necesario pa laga kita e tumor benigno, esaki solamente si e ta causa molestia. Normalmente e tumor benigno no

TIPO DI CANCER

1. Diferente factor por hunga un rol den e causa, e.o. manera di biba, humamento, uzo di alcohol, comemento robes y di mas, rayo UV di solo, etc.

Depende di e tipo di cancer e pashent por tin diferente keho of molestia. E tratamiento ta diferencia no solamente pa cada tipo di cancer, pero tambe ta diferencia pa cada pashent. Esaki ta depende di e cancer con avansa e ta y ki tipo di cel ta envolvi. Un otro diferencia ta e probabilidad di haya cura. Algun tipo di cancer tin mas posibilidad di cura cu otro. Algun tipo di cancer ta aparece mas den algun famia cu otro. Esaki por ta debi na herencia of exposicion na cierto situacion of substancia cu ta stimula formacion di cancer. Ta papia di cancer solamente ora ta trata di un tumor maligno. Pa mas informacion por yama Wilhelmina Fonds Aruba na 582-0412. □

ta bolbe aparece despues di operacion.

DIFERENCIA DI CADA

